

ՕԾՎԵՅ Ս. ՍԱՐԳԻՍ ԱՌԱՋՆՈՐԴԱՆԻՍՏ ԵԿԵՂԵՑՈՒ ՆՈՐԱԿԱՌՈՒՅՑ ԶԱՆԳԱԿԱՏՈՒՆԸ

Նոյեմբերի 2-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի հանդիսապետությամբ օծվեց Արարատյան Հայրապետական թեմի Ս. Սարգիս առաջնորդանիստ եկեղեցու նորակառույց զանգակատունը, սրբազործվեցին եկեղեցու բակում տեղադրված երեք խաչքարերը:

Զեռամբ Ամենայն Հայոց Հայրապետի, Արարատյան Հայրապետական թեմի առաջնորդական փոխանորդ Ս. Նավասարդ եպս. Կճոյանի, ԱՄՆ արևմտյան և արևելյան թեմերի առաջնորդներ Ս. Վաչե արքեպս. Հովսեփյանի ու Ս. Խաժակ արքեպս. Պարսամյանի և Ավստրալիայի թեմի առաջնորդ Ս. Աղան արքեպս. Պալիոզյանի օծվեցին զանգակատան մուտքը, արևելյան ու արևմտյան կողմերի աջ և ահյակ սյուները:

Աստվծո նախախնամությամբ Երևանի Ս. Սարգիս եկեղեցին մարտնչող անասուվածության փարիներին չավերվեց այլ եկեղեցիների նման, իսկ ժամանակի իշխանավորների ազնիվ մղումով նաև նորոգվեց ու բարեգարդվեց՝ հովանավորությամբ լոկոտաբնակ Սարգիս և Աստղիկ Բյուրքյանների ու նրանց որդիների:

«Բարերարներն այդ պահից ի վեր հոգեպես կապվեցին այս եկեղեցուն և նախանձախնդրորեն հեղափոխեցին, որպեսզի եկեղեցին միշտ մնա պայծառ, միշտ մնա շեն», - օրհնությամբ ու գնահատանքով ասաց Վեհափառ Հայրապետը, որ 17 փարիներ շարունակ լինելով Արարատյան Հայրապետական թեմի առաջնորդական փոխանորդ, մշտապես գործակցել է եկեղեցասեր բարերարների հետ:

Այժմ էլ նորակառույց զանգակատունը վեր է խոյացել շնորհիվ Բյուրքյան որդիների՝ Զորջ և Հովհաննես Բյուրքյանների: Նրանց բարերարությամբ շարունակվում է նաև առաջնորդանիստ եկեղեցու փարածքի բարեկարգումը: Ինչպես նշեց Նորին Սրբությունը, եկեղեցանվեր բարերարի հաջորդ հանձնառությունը Տաթևի եկեղեցու վերաշինությունն է լինելու:

Ի դեմս արարողությանը ներկա Զորջ Բյուրքյանի՝ Վեհափառ Հայրապետը իր օրհնությունը տվեց բարերարներին և իր գնահատանքը հայտնեց Արարատյան Հայրապետական թեմի առաջնորդական փոխանորդ Ս. Նավասարդ եպս. Կճոյանին ու թեմի հոգևոր դասին: